



“Doista, Uzvišeni Allah kaže: ‘Ko uznemiri Moga evlijju, objavit ću mu rat. Najdraže čime Mi se Moj rob može približiti jeste ono što sam mu učinio obaveznim

Od Ebu Hurejre, radijallahu anhu, prenosi se da je Allahov Poslanik, sallallahu alejhi ve sellem, kazao: “Doista, Uzvišeni Allah kaže: ‘Ko uznemiri Moga evlijju, objavit ću mu rat. Najdraže čime Mi se Moj rob može približiti jeste ono što sam mu učinio obaveznim. I neće Moj rob prestati približavati Mi se nafilama/dobrovoljnim djelima sve dok ga ne zavolim, a kada ga zavolim, Ja postanem njegov sluh kojim čuje, njegov vid kojim vidi, njegova ruka kojom uzima i njegova noga kojom hodi. Ako Me zamoli za nešto, sigurno ću mu udovoljiti, a ako zatraži Moju zaštitu, zaštitit ću ga.’”

[صحيح] [رواه البخاري]

Allahov Poslanik, sallallahu alejhi ve sellem, u hadisi-kudsiju obavijestio je da je Allah, Uzvišeni, rekao: "Onaj ko uznemiri jednoga od Mojih štićenika, rasrdi ga ili zamrzi - neka zna da sam mu objavio neprijateljstvo." Evlija (Allahov štićenik) jeste: bogobožazan vjernik. Onoliko koliko rob ima imana i takvaluka, toliki je njegov udio u Allahovoj zaštiti. Musliman se ne približava svome Gospodaru ničim dražim Njemu od onoga što mu je Allah učinio obaveznim - izvršavanjem naređenih ibadeta i ostavljanjem zabranjenih djela. A vjernik se i dalje približava svome Gospodaru dobrovoljnim ibadetima (nafilama), uz farzove, sve dok ne zadobije Allahovu ljubav. Kada ga Allah zavoli, On mu podari posebnu podršku u ova četiri dijela tijela: Uputit će ga u korišćenju čula sluha tako da sluša samo ono čime je Uzvišeni zadovoljan; Uputit će ga u korišćenju čula vida tako da gleda samo ono čime je Uzvišeni zadovoljan; Uputit će ga u korišćenju ruku tako da njima čini samo ono čime je On zadovoljan; Uputit će ga u korišćenju nogu tako da hoda samo prema dobru i onome čime je On zadovoljan. Pored toga, ako taj čovjek zatraži nešto od Allaha, On će mu to ispuniti. Dakle, biće od onih čija se dova prima. Također, ako zatraži utočište kod Njega, Allah će ga zaštititi svega čega se pribojava.

النجاة الخيرية
ALNAJAT CHARITY

